

صوت البلابل

نبيل محمد صبري شاهين
مصر / موظف

صوت البلابل مش تتر عابر او فراغ
او سيمفونية زقزقة تشغل دماغ
او حتى كان وصلة شجن بتصبرك وقت الضياع
صوت البلابل حبة رسايل مبهمة وسط البراح
و الليل يزيد من وحدته نزع الجراح
صوت البلابل كان نعي عصفور اندبح
و الفرفرة سكين في ايد اللي دبح
تقطع في قلبي اللي انجح يوم الفرح
و تسبيني جوة الضلعة غارق.
صوت البلابل حلاوة روح بتتألم و بتفارق

طلقات رصاص القدر على روحها تتسابق

تحضن بواقى العمر فى دقائق

و انا قلبي زي غريق متعلق بفشاية

والروح بتتنزف حزنها في المشرحة

ما تصدقوش الشمس عاملة مفتحة

و لا القمر في قلوبنا عامل مشرحة

ما تصدقوش ان النجوم متذبذبة

و الرحلة لأحضان الفضا دايمًا طويلة و متعبة

ما بين السما و الأرض يا دوب مشوار.